

“Hey...ta Pasco! Edicion Special” ta riba mercado!!

ORANJESTAD - Un biaha mas Edjean a sorprende tur hende e aña aki cu un tremendo produccion, di un calidad hopi halto, y un compilacion masha interesante y comercial di su exitonan di Fin di Aña. Exitonan cu ta cuminsa for di ya caba 12 aña pasa. Siguresaki ta un bunita regalo pa tur su fanaticonan y e comunidad di Aruba cu tabata masha ansioso en espera di e album musical nobo aki. Edjean a cuminsa su temporada cu estreno su cancion promocional “Paranda le la la”, cu por cierto ta masha pegahoso y ta priminti di bira


un di e grandinan atrobe di e temporada nos dilanti. Sigui pa lanzamiento y bautismo di e produccion nobo, cu ta contene no menos cu 19 cancion incluyendo e exito grandi di aña pasa esta e “Bus di Alegria”. Tambe ken por lubida “Ta Navidad”, cancion cu a causa furor na Aruba na aña 2003.

Edjean a hiba nos bek den tempo, cu su prome exito di Pasco, “San Nicolas, please corda riba mi” graba na 1994. Ora cu bo scucha e cancion aki sigur bo lo ripara e diferencia

di e stem di mucha compara cu e voz baronil di awor.

Scuchando e produccion aki ta nostalgia sigur lo bo haña y e lo trece bo den e esfera di e temporada dushi di fin di aña cu nos na Aruba so conoce. E disco compacto aki sigur ta un cu bo tin cu busca pa amplia bo coleccion.

Banda di e tremendo produccion cu a ya caba ta riba mercado y cu ta bendiendo di den gran forma, Edjean a lanza su propio website. Esaki ta un desaroyo cu Edjean a haña



sumamente necesario. Asina e como artista por pone su mes riba e mundo cibernetico y internacional. Riba e website aki bo lo por lesa Edjean su biografia, check out e galeria, bo por tuma contacto cu Edjean mes y pronto lo tin e oportunidad pa cumpra su produccion nan riba e website aki. Laga nos duna bo e adres pa asina bo mes por wak e www.edjean.net tey pa bo informacion.

Aruba, ban apoya nos cantantenan y gruponan local. Busca “Hey...ta Pasco! Edicion Special” na bo discotienda preferi pa bo tin’e den bo coleccion personal di fin di aña. Of yama na 5830419/5933790 pa reserva esun di bo! Edjean, Klip Klap kier a felicita bo un biaha mas pa bo tremendo produccion y kier a desea bo tur clase di exito den e temporada nos dilanti. Nos lo keda pendiente pa e concierto!